

Universitätsbibliothek Paderborn

**D. Haymo||nis Episcopi Hal-||berstatten[sis] Homiliarum,
nunc sexto || maiori [pro] ante hac unquam dili||gentia
excusarum, || Pars ...**

praeter omnes omnium appendices, accesserunt iam recens homiliæ
aliquot piæ, ante hoc tempus excusæ nusquam

Pars Aestivalis

**Haimo <Altissiodorensis>
Haimo <Halberstadensis>**

Coloniae, 1551

VD16 H 222

Dominica ij. post pentecosten

urn:nbn:de:hbz:466:1-39335

propter preciosi sanguinis effusionem. Igniti autē serpentes, quorum mortibus homines peribant, uenenosas cogitationes & mortiferas persuasiōes significant. Quae cū delectationē peruersam usq; ad consensum perducunt, quasi pungendo animā interin iunt Nam & primi parentes nostri in para diso serpentis astutia sunt decepti. Miro ergo ordine contra serpentem ponitur serpens, quia per hoc quod dominus pro nobis passionē sustinuit, antiqui serpentis caput contriuit. Quicunq; ergo originalis peccati punctione, uel cuiuscunq; uulneris contagione uult sanari, intueatur serpentē in stipite, id est, confiteatur Christum in cruce, & hunc crucifixū. Cūq; tali fide armatus crucifixerit membra sua cum ultijs & concupiscentijs, non solū a mortis periculo liberari, sed etiam ad uitā per venire merebitur æternam. Vnde & subditur:

Vt omnis qui credit in ipso, non pereat, sed habeat uitam æternam.] Omnis em̄ (ait scriptura) quicunq; iuuocauerit nōmē domini, saluus erit. sicut ipse saluator in euangelio ait: Qui credit in me, etiā si mortu⁹ fuerit uiuet. Et omnis qui uiuit, & credit in me, non morietur in æternum. Ille autem uere credit, qui sic uiuit sicut Christus præcipit. Qui autem cōfitetur uerbis, sed factis eum negat, non uitam meretur, sed pœnam. quia sicut ait Iacobus apostolus, Fides sine operib⁹ mortua est. Et iterum: Tu credis quod unus sit deus? bene facis, & dæmones credunt, & contremiscunt.

Iac. 2.
Ioh. 11.

Iac. 2.
Ibidem.

DOMINICA II. POST Pentecosten.

I. Ioh. III.

Charissimi, Deus charitas ēst. In hoc ap-

R

paruit charitas dei in nobis, quoniam filium suum unigenitum misit in mundum, ut uiuamus per ipsum. Et reliqua,

Ioh. 15.

Quomodo ipse dominus ait, Maiorem hac dilectionem nemo habet, quam ut animam suam ponat quod pro amicis suis. Et ibi probata est dilectio Christi in nobis, quia mortuus est pro nobis. Dilectio patris unde probata est a nobis? Quia filium suum unicū misit mori pro nobis, sicut & Paulus apostolus ait: Qui proprio filio suo non fecerit, sed pro nobis omnibus tradidit eum, quomodo non erit cum illo omnia nobis donauit?

Rom. 8

Et in hoc est charitas, non quasi nos dixerimus deum, sed quoniam ipse prior dilexit nos. ¶ Non illum dileximus prius, nam ad hoc nos ille dilexit prius, ut diligamus eum. Gracia quippe hominem praevenit ut diligit deum, qua dilectione operetur bona. Vnde Psalmista: Deus meus, inquit, misericordia eius praeveniet me.

Psal. 58.

Et misit filium suum propiciatorem pro peccatis nostris.] ¶ Et hoc est maximum in nobis divinitate pietatis indicium, quia cum necdum ipsi pro peccatis nostris eum petere nossemus, misit ille filium suum ad nos, qui nobis in se credentibus ultra ueniam daret, nosque ad paternae glorie societatem vocaret. In quibusdam codicibus hic uerius siculus, ita legitur: [Et misit filium suum litatorem pro peccatis nostris.] Litor autem sacrificator est: Sacrificauit enim filius dei pro peccatis nostris, non hostiam pecudum, sed seipsum offerendo. Vnde bene Paulus admonens, ait: Estote imitatores dei sicut filii charissimi, & ambulate in dilectione sicut &

Ephe. 5

Christus dilexit nos, & tradidit semetipsum pro nobis oblationem & hostiam deo in odorem sua uitatis. Cuius sententiae cōcinit hoc, quod hic quoque Iohannes exhortando subiungit, dicens:

Charissimi, si sic deus dilexit nos, & nos debemus in uicem diligere.] Q[uod] autē sequitur,

a.d.1

Deum nemo uidit unquam,
 maiore disputatione indiger, cum dominus & hominibus mundo corde deum uidendum promitterat, & de sanctis dicat, quod angeli eorum in cælis semper uideant in faciem patris. Hanc autem sententiam & in euangelio suo ponit idem Iohannes, ubi etiam quomodo deus uideri possit, con querenter adiungit, dicens: Vnigenitus filius q[ui] est in sinu patris, ipse enarravit. Q[uod] beatus pater Ambrosius ita exposuit. Et ideo deum nemo uidit unquam, quia eam que in deo habitat plenitudinem divinitatis, nemo conspexit, nemo mente aut oculis comprehendit. Vedit enim, ad utrumq[ue] referendū est. Deniq[ue] cum additur, Vnigenitus filius qui est in sinu patris, ipse enarravit, mētum magis quam oculorum uisio declaratur. Species enim uidetur, uirtus uero narratur: illa oculis, hæc mente comprehenditur. Item beatus Augustinus in libro de uidendo deo, de eadem disputans questione, proinde in qua narrante unigenito qui est in sinu patris narratione ineffabili, creatura rationalis mutua & sancta, impletur dei uisio ineffabili, quam tunc consequemur, cum ei equales facti fuerimus: quoniam sicut uidentur ista uisibilia corporis sensibus, non ita deum nemo uidit unquam. Quoniam si aliquando eo modo uisus est, non sicut ista

R ii

natura uidetur, sed uoluntate uisus est, specie qua
uoluit apparens, latente natura atq; in se incom-
mutabiliter permanente. Eo aut modo quo uide-
tur sicuti est, nunc fortasse uiderur a quibusdā an-
gelis suis sanctis. A nobis autem tunc ita uidebi-
tur, cū eis facti fuerimus æquales. & post aliquan-
to exponens sententiam sancti Ambrosij. Deum
Ioh. 1. nemo uidit unquam, uel in hac uita sicut ipse est,
uel etiam in angelorū uita, sic ut uisibilia ista, quæ
corporali uisione cernuntur, quia unigenitus fili-
us q; est in sinu patris, ipse enarravit. Q uia nō ad
oculorum corporalium, sed ad mentium uisionem
dictū est pertinere quod narravit. Item post mul-
ta: Adeam uero uisionem qua uidebimus deum
sicuti est, mundanda corda commonuit. Q uia cīn
corporalia consuetudine loquendi uisibilia nomi-
nantur, propterea deus inuisibilis dicitur, ne cor-
pus esse credatur. Neq; enim corda munda suę sub-
stantiæ contēplatione fraudabit, cum hæc magna
& summa merces deum colentibus & diligenti-
bus promittatur, dicente ipso domino, quādo cor-
poralibus oculis uisibiliter apparebit, & inuisibi-
lem se contuendum mundis cordibus promitte-
Ioh. 14. bat: Qui diligit me, diligitur a patre meo, & ego
diligā eum, & manifestabo ei meipsum. Hec quip
pe natura eius æqualiter cum patre inuisibilis, sicut
æqualiter incorruptibilis est, q; a cōtinuatim Apo-
1. Tim. 1. stolus posuit, dicens: Regi autem seculorum inui-
sibili, incorruptibili, diuinam substantiam qua po-
tuit hominibus prædicatione commendans. De-
us ergo inuisibilis, neq; oculo, sed mente quæren-
dus est. Sed quemadmodum si solem i stum uide-
re uelimus, oculos corporis purgaremus, unde lux

uideri potest: uolentes uidere deum, oculum cor-
dis, quo deus uideri potest, purgemuſ. Beati enim **Matt. 5.**
mundo corde, quoniam ipſi deum uidebunt. Ve-
rum quia hæc uisio in futuro speratur, quid agen-
dum est nobis, dum adhuc constituti in corpore,
peregrinamur a domino? Quo ſolatio utendum,
ubi diuina uisio neceſsum licet perfrui?

Si diligamus inuicem, deus in nobis manet.
¶ Sed nemo putet hanc dilectionem, in qua deus
manet, abiecta & desidiosa quadam mansuetudi-
ne, imo non mansuetudine, sed remiſione & ne-
gligentia reſeruari. Non iſta eſt charitas, ſed lan-
guor. Ferueat charitas ad corrigendum, ad emen-
dandum. Sed iſi ſunt boni mores, dilatentur: iſi ſunt
mali, emendentur corrigatur. Si ergo diligamus
inuicem ſyncera & disciplinabili charitate, deus in
nobis manet. Operibus quidē ipsius charitatis ma-
nifestatur, quanvis nondum uisibiliter apparens.

Et charitas eius in nobis perfecta eſt.
¶ Quarendum autem, quomodo dicat perfectio-
nem diuinæ charitatis in mutua dilectione con-
ſistere, cum dominus in euangelio pronunciet, nō
eſſe magnum, iſi diligamus eos, qui nos diligunt,
niſi ad inimicos etiam (de quibus hic penitus tace-
re uideatur) ea de dilectio pertingat, niſi forte ipſos
quocq; inimicos fraternali amoris intuitu diligere iu-
bemur, uidelicet ut non ſemper inimici remane-
ant, ſed resipificant a diaboli laqueis, nobisq; ger-
mano fœdere ſocientur. [Si diligimus, inquit, in-
uicem, deus in nobis manet, & charitas eius per-
fecta eſt.] Incipe diligere, perficiens cœpisti dili-
gere, cœpit in te deus habitare, ut perfectius ha-
bitando faciat te perfectum.

R. iii

In hoc cognoscimus quod in eo manemus, & ipse in nobis, quoniam de spiritu suo dedit nos s. Huc ipsum quod de spiritu suo dedit tibi, unde cognoscis? Interroga viscera tua, si plena sunt claritate habes spiritum dei, Paulo teste, qui ait: Quia caritas dei diffusa est in cordibus nostris Roma. 5 per spiritum sanctum, qui datus est nobis.

Et nos vidimus & testificamur, quoniam pater misit filium suum salvatorem mundi.] Nemo de salute desperet, quia et si magni sunt morbi scelerum qui deprimunt, omnipotens deus est medicus qui saluat: atum meminerit quisque quod idem filius dei qui uenit mitis ut saluaret, uenturus est ut districtus iudicet.

Quicunqz confessus fuerit quoniam Iesus est filius dei, deus in eo manet, & ipse in deo.] ¶ Perfecta est cordis confessionem dicit, quod nec male suadentium haereticorum possit fraude corrumpi, nec per sequentium paganorum tormentis conquassari, nec carnalium fratrum exemplis, nec propriæ fragilitatis segnitia titubare. Sunt etenim qui etiam verbis negant esse Iesum filium dei, quales multi fuisse produntur eo ipso teste quo haec scribat Iohannes. Sunt item qui constentur verbis, factis autem negant. Unde bene qui nunc ait, quicumque confessus fuerit quoniam Iesus est filius dei, deus manet in eo, & ipse in deo. ipse paulo superius dixit: Si diligamus in uicem, deus in nobis manet, insinuans profecto quia quisquis dilectionem in fratres habet, ille Iesum dei esse filium testatur.

Et nos cognouimus & credimus charitati, quam deus habet in nobis.] Cognouimus quia

Iesus est filius dei, & quia pater misit eum saluatorem mundi, & creditus charitati, quam habet deus in nobis, quia uidelicet cum haberet unicum, non habuit esse unum, sed ut fratres haberet, adoptauit illum qui cum illo possiderent uitam æternam.

Deus charitas est.

In hoc superius dixerat, ecce iterum dicit. Amplius tibi non potuit commendari charitas, quam ut diceretur deus. Forte munus dei contempturus eras. nunquid & deum contemnisti? & qui manet in charitate, in deo manet, & deus in eo.] Vix si in se habitant, qui continet & qui continetur. Habitatis in deo, sed ut contineris: habitat in te deus, sed ut contineat te ne cadas, quia (sicut Apostolus de ipsa charitate dicit) charitas 1. Cor. 3. nunquam cadit. Quomodo ergo cadit quem continet deus?

In hoc perfecta est charitas nobiscum, ut fidutiam habeamus in die iudicij.

Quisquis fidutiam habet in die iudicij, perfecta est in illo charitas. Quid est habere fidutiam in die iudicij? non timere ne ueniat dies iudicij. Cum enim primo ad pœnitendum se de malis actibus conuerterit, incipit timere diem iudicij, ne uidelicet apparet iusto iudice, ipse damnetur. Processu vero bona conuersationis animatus, discit non time re quod timebat, sed potius optare, ut ueniat ille desideratus cunctis gentibus, sperans se cum sanctis merito bonæ actionis esse coronandum. Unde autem fidutiam in diem iudicij habere possumus, plenius subdendo manifestat: quia sicut ille est, & nos sumus in hoc mundo.] Nunquid vero potest esse homo sicut deus?

R. iiiij

Hagg. 2.

sed & meminisse oportet, quod & supra dictum est, quia nō semper ad æqualitatem dicitur, sicut, sed dicitur ad quandam similitudinem. Q uomo-
do enim dicis, sicut aures habeo, ita habet & ima-
go? Nunquid omnino sic? Sed tamen dicis, sicut. Si
enim facti sumus ad imaginem dei, quare nō sicut
deus sumus? Non ad æqualitatem, sed pro modu-
lo nostro. Inde ergo nobis datur fiducia in die iu-
dicij, quia sicut ille est, & nos sumus in hoc mun-
do: imitando uidelicet perfectionem dilectionis
in mundo, cuius ille exemplum nobis quotidie præ-
bet de cælo. De qua saluator in euangelio, Diligi-
te, inquit, inimicos uestrros, & orate pro persequē-
tibus uos, ut sitis filii patris uestri qui in cælis est,
qui solem suum oriri facit super bonos & malos.
& pluit super iustos & iniustos.

Mat. 5:

Timor non est in charitate.

¶ In tali uidelicet charitate, quæ ad imitationem
divinæ bonitatis, etiam inimicis benefacere, &
hos diligere nouit,

sed perfecta charitas foras mittit timorem.

Illum scilicet timorem, de quo dicitur: initium sa-
pientiae timor domini. Quo timer quisque, inci-
piens opera iustitiae, ne ueniat iustitiae districtus
iudex, & se minus castigatum inueniens damnet.

Psal. 6: illa charitas pellit foras timorem, quæ pro merito
iustitiae fiduciam habet in die iudicij. Sed & pre-
sentium a duersitatum timorem perfecta charitas

ejicit ex animo, quā habere quærebat, qui dñs sup-
plicās, ait: A timore inimici eripe animam meam.

Rom. 8: quā habebat qui dixit, Q uis nos separabit a cha-
ritate Christi? tribulatio? an angustia? an perse-

cutio: an fames: an nuditas: an piculū: an gladiū:
quoniam timor pœnam habet.

Torquet cor conscientia peccatorum, nondum
facta est cogitatio. Ideo in Psalmo de ipsa perfe-
ctione iustitiae: Conuertisti, inquit, planctum me Psal. 29.
um in gaudium mihi, considisti lacum meū, &
præcinxisti me lætitia: ut canat tibi gloria mea &
non compungar. Id est, non sit quod stimulet cō-
scientiam meam. Stimulat timor, sed noli timere.
intrat charitas quæ sanat, quem uulnerat timor.

Qui autem timet, nō est perfectus in cha-
ritate.] Q uia nimis timor pœnam habet, quan-
uis sicut sectionem medici salus optata, ita timo-
rem charitas desiderata subseqitur. Nec putari de-
bet his beati Iohannis sermonibus esse contrarium,
quod Psalmista dicit: Timor domini sanctus per-
manet in seculū seculi. Duo namq; sunt timores.
Vnus, quo timent homines deum, ne mittantur in
gehennam. Ipse est timor ille qui introducit chari-
tatem, se sic uenit ut exeat. Si enim adhuc pro-
pter pœnas times deum, nōdum amas quem sic ti-
mes. nō bona desideras, sed mala caues. Sed ex eo
quod mala cauens corrigit te, incipis & bona de-
siderare. Cum bona desiderare cœperis, erit in te
timor sanctus, ille scilicet, ne ipsa bona amittas, ne
mittaris in gehennam, sed & ne ipsa te deserat pœ-
nitentia dñi, quæ amplecteris, q; eternū frui desideras.

Nos ergo diligamus deum, quoniam
ipse prior dilexit nos,
Nam unde diligemus, nisi ille prior dilexisset
nos? Hinc enim ipse in euangelio dicit: Non vos Ioh. 15.
me elegistis, sed ego elegi uos. Ira autem perfecti

R v

Psal. 18.

erimus in charitate. si quemadmodum nullius alterius, nisi salutis nostræ gratia, prior dilexit nos. Ille, nimis nos quoque ita eum nullius rei, nisi sui tantum amoris, dilexerimus obtentu. Verum quia sunt qui uerbotenus deum diligunt, consuite subiungitur:

Si quis dixerit, quoniam diligo deum, & fratrem suum oderit, mendax est.

Vnde probamus quia mendax est: audi:

Qui enim non diligit fratrem suum quem uidet, deum quem non uider, quomodo potest diligere? Quid ergo? Qui diligit fratrem suum, & non diligit deum, necesse est ut diligat deum & diligat ipsam dilectionem. Deus enim dilectio est: Et ne quis dicere auderet, Et quid obstat diligere deum, etiam si non diligo fratrem, recte subdidit:

Ethoc mādatum habemus a deo: ut qui diligit deum, diligat & fratrem suum.

Quomodo enim diligis eum, cuius odisti mandatum? Quis est qui dicat, diligo imperatorem, sed odileges eius? Non ita est uerus dei amator, sed uide nunquid quia mandata tua dilexi domine. & ideo confidenter adiungit, in tua misericordia uiuifica me.

Psalms.

DOMINICA SECUNDA

post Pentecosten.

Lucae XVI.

In illo tempore dixit Iesus discipulis suis: Homo quidam erat diues, qui induebatur purpura & byssō. Et reliqua.





Scriptura sacra diuinis inspirata, non solum bonorum actiones ad imitandum commemorat, sed etiam tormenta reproborum narrat: ut quos ad bene uiuendum non prouocant exempla piorum, taliter terreat denunciata supplicia reproborum. Quod utrumque in hac lectione ostenditur, quando non

solum reges Lazari commemoratur, sed etiam pena supbi diuitis ad memoriam reducitur: ut in uno habeat pauperes quod imitentur, in altero autem diuites unde terreatur. Nam cum superius dñs contra auaritiae uititium disputaret, ad monendo subiunxit, dicens. Facite uobis amicos de mammone iniquitatis, ut cum defeceritis, recipiant uos in eterna tabernacula. Sed quia omnis, qui ex uitio non uult corrigi, ex correptione deterior fit, subiunxit euangelista, dicens: Audiebat omnia hec pharisæi, qui erat auari, & deridebant eum. Quia cum malorum peruersitas crescit, prædicatio non solum miseri nō debet, sed etiā augeri. Ut confirmaret dominus exemplis, quod docuerat uerbis, adiunxit hoc per similitudinem, quod in capite huius lectionis audiuiimus, dicens: [Homo quidā erat diues, qui induebatur purpura & byssō,

& epulabatur quotidie splendide.

Ostendens imperbum diitem esse condemnatum, quia sibi amicum Lazarum de mænona ini-

Luc. 16.

Quitaris facere noluisset. Valde enim homo iste diues fuisse ostenditur, cum purpura & byssio induitus memoratur. Purpura enim regiae dignitatis est habitus, byssus uero genus est quoddam lini suavis simi & cädidissimi decoris. Ad augmentum quoque temporalis gloriae, quotidianie epulabatur splendide, diuersis ciborum apparatus uentri satis faciens. Epulae enim ad crapulam pertinent, preiosissima uero uestimenta ad inanem gloriam. Sed quo diuinitas in facultatibus, eo deterior in cruciatibus. Potentes enim (ait scriptura) potenter tormenta patientur. Sunt enim nonnulli, qui putant in cultu preciosarum uestium peccatum non esse. Quod si omni non non esset, nequaquam dominus mentionem purpuri diuitis, qd in inferno torquebatur, faciens, premitteret, dicens: [Homo quidam erat diues, & indebatur purpura & byssio.] Et nisi in cultu preciosarum uestium peccatum fuisset, nequaquam Petrus foeminas compesceret, dicens: Non sit extrinsecus capillatura, aut circumdatio auri, aut indumenti uestimentorum cultus. Et Paulus apostolus in epistola ad Timotheum: Et mulieres uolo esse in habitu ornato, cum uerecundia & sobrietate ornantes se, non in tortis crinibus, aut auro aut marginitis, uel ueste preiosa, sed qd decet! mulieres, permittentes pietatem propria bona. Et si hoc observandum est a mulieribus, quanto magis a viris. Unicuique enim si conscientia testis est qua preiosa uestis non nisi propter inanem gloriam regreditur. Quia cum in secreto sit, ubi a nemine videatur, non curat qualibuscumque induitus sit uestibus. At uero cum in publicum processerit, preiosa uestimenta regreditur, non ut sanctior, sed ut honorabilior ceteris appareat. Quia uero uirtus

Sapi. 6.

1. Pet. 3.

1. Ti. 2.

est uilibus uestimentis indui, e diuerso colligimus peccatum nō deesse, preciosa uestimenta require re. Si enim in uilitate uestium virtus non esset, nequaq; euangelista de aperitate sui uestimenti Io- hannem laudasset. E quibus exemplis cognoscere possumus, quia tanta ac talia uestimenta querere debemus, quæ nuditatem possint operire & frig; arcere. Q uod dominus ostendit, quando in initio **Titi. 6.**
 primos homines non purpuram, sed tunicas pelli ceas induit. Vnde Paulus nos admonet, dicens: Ni hil intulimus in hunc mūdum, sed ne qj aliquid au ferre possumus. habentes autem uictum & uesti tum, his contenti simus. Sunt autem alij, qui præcē pra ueteris testamenti austeriora esse putant, q; no ui. Sed hi improvida consideratione falluntur, dū utrorumq; testamontorum præcepta subtilius nō discutiunt. Nam in ueteri testamento dicitur. Dili **Leu. 19.**
 ges amicum tuum, & odio habebis inimicum tu um. In nouo autem dominus ait: Diligite inimi cos uestros, benefacite his q; oderūt uos, & orate **Mat. 5:**
 pro persequentibus & calūniantibus uos. In uete ri testamento homicidiū morte plectitur, in nouo **ibidem** dñs dicit: Qui irascitur fratri suo, reus erit iudicio. In ueteri dicitur: Oculū pro oculo, dentē pro dēte, manū pro manu. In nouo uero p̄cipitur: Si q̄s qđ tuū est tulerit, ne repetas. Et q; uoluerit tecum cō tendere in iudicio, & tunica tuam tollere, dimitte **Ibid.**
 ei & palliū. Et qui te angariauerit mille passus, ua de cū illo duo millia. Et ego dico uobis, nolite res̄tare malo. sed si q̄s te p̄cuserit in dexterā maxilla, præbe illi & alterā. In ueteri p̄cipitur. Nō adulterabis uxorē, p̄ximi tui: in nouo. Qui uiderit mu lierē ad concupiscendā eā, iam mœchatus est eam

in corde suo. In veteri testamento aliena res inua-
sa, in quadruplici restituitur. hic autem diues non ali-
ena legitur rapuisse, sed quod propria non dedit, apud
inferos torqueretur. Vnde cognoscimus, quod precepta no-
uitestamento quod sunt perfectiora, tanto districtiora.

Et erat quidam mendicus nomine Lazarus.

¶ Si subtiliter hanc uerba domini discutimus, inue-
niemus quia quod apud homines alta uidentur, apud
deum frequenter in imo sunt: & quae apud homi-
nes sunt despecta, deo accepta sunt. Denique inter
homines nomina diuitium longe lateque sciuntur,
pauperum uero etiam a pluribus conciubus & qui
cini ignorantur. At contra dominus mentionem
de diuite & paupere faciens, nomen diuitis quasi
ignotum tacuit: nomen uero pauperis quasi fami-
liarius indicauit, ostendens unum reprobando ne
scire, alterum eligendo se scire. Ait enim de diuite,
¶ Homo quidam erat diues: de paupere autem,
Erat quidam mendicus nomine Lazarus. Iacchus di-
ceret: Superbum diuitem nescio, humilem paup-
erem scio. Excelsus enim dominus, cum non sit perso-
narum acceptor, alta de longe conspicit, & humi-
lia de prope. Ut suscitet de puiuere egenum, & de-

Psal. 112. stercore eleuet pauperem. Nouit ergo dominus

quos elegit, & ignorat quos reprobat. Vnde in fi-

Mat. 7. ni reprobis dicturus est: Nescio uos unde sis. dis-

Exo. 33. cedite a me operari iniquitatis. At perfecto viro

2. Ti. 2. Moysi dicitur: Nouit te ex nomine. Et sicut aposto-

lus ait, Nouit dominus qui sunt eius. Ac per hoc

magni meriti illos esse credimus, quorum nomi-

na deus scire dicitur.

Quia iacebat ad ianuam eius, hulceribus

plen⁹, cupiēs saturari de mīcīs, q̄ cādebat de mēsa
 diuitis, & nemo illi dabant, sed & canes ueniebant,
 & lingebant hulcera eius.] q̄ Vasa figuli p̄bat for
 nax, ait scriptura, & hoīes iūtōs tēratiō tribulatiō
 ni: Q̄od huic paupi Lazaro cōtigisse cernim⁹,
 cui ad augmētū doloris cū egestate ciborū accidit
 infirmitas hulcerū. Sola em̄ egestas illi sufficeret,
 enā si infirmitas defuisset. Et rursus sola infirmitas
 sufficere posset, si indigētia defuisse. Sed ad augmē
 tū doloris, cū infirmitate addita est indigentia, ut
 tāto p̄babiliōr corā oculis dei esset, q̄o durius i-
 gne tribulatiōis fuisset excoctus. Vbi cōsiderandū
 est, quia dñs omnipotens & quissimus iudex, in una
 eadēq; re duo iudicia operatus est, ut unde uni p-
 mium, inde alteri cresceret suppliciū. Fortassis em̄
 dives iste de misericordia excusationē haberer, n̄i
 si pauperē afflictum ante ianuā iacentē uidisseret, cū
 aut uidit miserum, sed misereri noluit, om̄en adi-
 tum excusationis sibi exclusit. Pauper vero cum
 penuria corporis, maiorem tribulationē sustinuit
 mentis, cum uideret quotidie diuitē splendide epu-
 lari, se uero micarum fragmenta desiderare: cum
 cerneret illum obsequentibus turbis circundari, se
 aut a nemine uisitari, iam quod ab hoībus cōtem-
 ptus sit, canes testantur, qui licenter hulcera eius
 lingebāt. Q̄od in isto dei iudicio (sicut diximus) fa-
 ctum est, ut unū uni, p̄batio, inde alteri cresceret dā-
 tio. Sed nunqđ semper aut iste in tribulacione,
 aut ille erit in gloria: Nō. Audi quod sequitur.
 Factū ē aut ut moreretur mendicus, & porca
 retur ab angelis in sinū Abrae. Mortu⁹ est aut &
 diues, & sepultus est in inferno.] q̄ in q̄ loco colli-
 gere possumus, q̄a unicuiq; electorum angelus ob-

- Heb. 1.** custodiam sui deputatus est, iuxta illud quod ait
Apostolus: Sunt administratori spiritus in ministerium missi propter eos, qui haereditatem capiunt salutis. Et sicut dominus de paruulis ait, Angeli corum semper uident faciem patris. nam & de Petro pulsanti ad ianuam, dictum est: Angelus
Mat. 18. eins est. Q uandiu enim electi in praesenti uita ma
Sap. 9. net, ubi corpus quod corrumpitur aggrediat ani
mā, & deprimit terrena inhabitatio sensum multa cogitationem, necesse habet angelorum auxilio confortari, secundum quod scriptum est in persona uiri iusti: Angelis suis mandauit de te, ut custo
Psa. 90. diant te in omnibus uis tuis. Et in manibus tollent te, ne forte offendas ad lapidem pedem tuū. Cum
ēm oculus diuinæ maiestatis semper & ubiqz no
stra opera & cogitationes intueatur, credimus tñ dignas operationes & iustas eleemosynas ab an
gelis deo nunciari, iuxta illud quod angelus Tho
biæ ait: Cum oraretis, ego obtuli orationes ue
stras ante decum. Hinc est quod ab angelo dicitur
Dan. 10. Danieli: Ex die qua posuisti cor tuum ad intelligentiam, ut te affligeres in conspectu domini, exaudi ta sunt uerba tua, & ego ueni propter sermones tuos. Qui autem operantes in hac uita electos adiuuant, a corpore exeentes suscipiunt, quod in presenti exemplo comprobatur, cū dicitur: [Factū est autem ut moreretur mendicus, & porta retur ab angelis in sinū Abraæ.] Sinus autem Abraæ in hoc loco requieſcitat beatorū, iuxta quod ipse alibi ait: Multi uenient ab oriente & occidente, &
Matt. 5. recumbent cum Abraam & Isaac & Iacob in regno cælorum. Sicut enim de ea re, quam in sinu habemus, certi securiç sumus: sic electi cælestis

regni gremio collecti, æterna securitate firmatur.
Sed sicut latro corde audiēdum est, quod dicitur,
[Factum est autē ut moreretur mendicus, & por-
taretur ab angelis in finum Abrae.] ita ualde ti-
mendum est quod subinfertur, [Mortuus est autē
& diues, & sepultus est in inferno.] Sepultus autem
in inferno dicitur, cum spiritus sepultura non in-
digeat, ut magnitudo pœnarum ostendatur. Mor-
tuus enim sepultura deberur, & ideo quia mortu-
us erat in corpore, in anima sepultus in inferno di-
citur, quia sine fine cruciabitur. Sicut em̄ preciosa Psal. 119.
est in conspectu domini mors sanctorum eius, sic
econtra mors impiorum pessima. Audiat hoc au-
rus, audiat pecuniarum cupidus. Quid enim pro-
dest auaro diuiti, q̄ in bonis ducit dies suos, quan-
do in puncto ad inferna descendit? Vbi e diuerso
colligere possumus, quę pœna præparata sit rapto-
ribus, quando diues iste, qui aliena non legitur ra-
pusse, sed sua non dedit, in inferno sepultus esse
narratur. Si enim in inferno cruciatur, qui sua nō
dedit, qua pœna puniendus est, qui aliena tollit
qualibus per Isaiam dicitur: Vae qui coniungitis
domum ad domum, & agrū agro copulatis usq̄ Isa. 5.
ad terminum loci. Non solum em̄ rapina, sed eti-
am superflua tenacitas inferni pœnam meretur,
sicut ipse index pauperum curam negligentibus
dicturus est: Discēdite a me maledicti in ignē æter-
num, qui paratus est diabolo & angelis eius. Esu- Mat. 25.
riū caui, & non dedistis mihi manducare. Sitiui,
& non dedistis mihi potum. Hospes eram, & non
collegistis me. Nudus, & non cooperuistis me. In
firmus & in carcere, & non uisita stis me. Tunc re-
spōdebunt ei & ipsis, dicentes: Domine, quando te

S

uidimus esurientem, aut sitiensem, aut hospitem,
aut nudum, aut infirmum, aut in carcere, & non
ministravimus tibi? Tunc respondebit illis, dicens:
Amen dico uobis, Quandiu enim uni ex minimis
istis non fecistis, nec mihi fecistis. Radix em(ut ait

Tim. 6. Apostolus) omnium malorum est cupiditas. Vn-

Luc. 6. de dominus ait in euangelio: Vx uobis diuitibus.

Mar. 10. qui habeti, consolationē uestrā. Et iterū: Diffici-
le, q pecunias habent, in regnum cælorū intrabūt.
Illi deniq, q solicite inq̄rere solēt, utrū anima ad
similitudinē corporis membra habeat, an nō, præ-
sens lectio satis facit. Ait enim dominus de diuite:

Eleuans autem oculos suos cum esset in
tormentis, uidit Abraam a longe, & Lazarum in
sinu eius. Et ipse clamans dixit: Pater Abraam, mi-
serere mei, & misere Lazarum ut intingat extremū
digiti sui in aquam, ut refrigeret linguā meam, q̄a
crucior in hac flamma.] Ergo & diues oculos
& linguam habebat, & Lazarus digitum: quia ani-
ma secundum suam subtilem & spiritalem natu-
ram membra creditur habere, quæ habet & cor-
pus. Quod in eo facile comprobatur, quia corpo-
ris membra nihil possunt sine anima. Vbi pariter
demonstratur, quia non solum boni bonos in glo-
ria, sed mali malos recognoscunt in pœna Nam di-
ues non solum Lazarum, quem prius uiderat, recog-
nouit, sed etiam Abraam, quem nunquam uide-
rat, se recognosse testatus, cum ait: [Pater Abra-
am, miserere mei.] Et cum fratum suorum absen-
tium meminit, liquido datur intelligi, quia eos q̄s
præsentialiter malos uidebat, recognoscere poter-
at. In quo loco etiam ostenditur, quia non solum
boni, cū sint in æterna requie recepti, malos con-

Spiciunt in poena, sed etiam mali bonos in gloria.
 Quid iusto dei iudicio agitur, ut unde sanctis glo-
 rta, inde reprobis augeatur poena. Dupliciter enim
 reprobi cruciantur cum sanctos conspiciunt in re-
 quie, non solum quia peccauerunt, sed etiam cum
 eos remunerari uident, quos contemptui habue-
 runt. Vnde in fine uisa illorum gloria, dicturi sunt:
 Hi sunt quos aliquando habuimus in derisum &
 in similitudinem improperiij. Nos insensati uitam Sapi. 57
 illorum estimabamus insaniam, & finem illorum—
 sine honore. Quomodo ergo computati sunt in
 ter filios dei, & inter sanctos sors illorum est? Er-
 go misericordia nostra via ueritatis. Iusti autem tan-
 to huberiores gratias deo referunt, quāde de ma-
 ioribus tormentis, non suis meriti, sed gratia dei
 se considerant liberatos, quod usq; ad iudicium fu-
 turum erit. Nam postea, sublatis impijs ne uide-
 ant gloriam dei, sancti reprobos cōspecturi sunt,
 quia illi qui creatori suo iusti erunt, nihil erit in
 creaturis quod nō uideant. Alonge dives Abra-
 ami conspicit, quia per imitationem eius proxim-
 fieri noluit. Multum autem ad se refrigerandū La-
 zarum mitti precatur, ut eius gloria ei fieret detri-
 mentum, cuius poena ipse nō sit præberē solatiū.
 In omnibus enim operibus suis iustissimus est do-
 minus, in hoc tamen eius iustitia iudicium decla-
 ratur, cum dicitur: I M: 17 Lazarum, ut intingat
 extremum digitū sui am, ut refrigeret lin-
 guam meā. In mensis enim diuinum micā superflue
 esse uidentur, gutta autem aquae etiā pauperibus
 exigua est. Qui ergo minima negauerat, minima
 impetrare nequivit: quia qui micas panis Lazaro
 dare noluit, in ardore positus gutta q; ex eius di-

S ij

gito occidentem impetrare non potuit. Audiant
hoc auari, qui superflua diuinarum suarum magis
in putredinem uertisunt, quam in necessitatibus
pauperum expendi, non timentes illud, quod ter-
ribiliter eis, Jacobus apostolus cōminatur, dicens:
Iaco. 5. Agite nunc diuines, plorate ululantes in miserijs
uestris, quæ superuenient uobis. Diuitiae uestræ pu-
trefactæ sunt, uestimenta uestra a tineis comesta
sunt. Aurum & argentum uestrum æruginauit, &
ærugo eorum in testimonium uobis erit, & man-
ducabit carnes uestræ sicut ignis. Talis erat ille di-
ues, qui dicebat in corde suo: Destruā horrea mea,
& maiora faciam. Qui a domino dictum est: Stul-
te, hac nocte auferetur anima tua a te: haec autem
quæ præparasti, cui⁹ erūt? **Q** uia ergo (ut ait Apo-
stolus) nihil intulimus in hunc mundum, sed neq;
aliquid auferre possumus, habentes uictum & ue-
stitum, his cōtentis simus. **Q** uid est quod speciali-
2. Tim. 6 ter linguam refrigerari rogar, cū hinc inde ultrici-
bus pœnis circunsepit totus ars⁹ cruciatur, ni
si quia in ea plus se ardere iudicat? **V**bi datur intel-
ligi, quia pro qualitate & quātitate peccatorum,
reditur reprobis pœna tormentorum. Non enim
æqualis pœna debetur ei, qui parum peccauit: & ei
qui multum. **Q** uia sicut sub uno radio solis non
omnes æqualiter urimur, ita reprobi in gehenna
li pœna non omnes æqualiter cruciantur. Habet
enim hoc subtilitas iudiciorum dei, ut per quod
membrum amplius peccat quis, in eo maiores
dictam recipiat. **C**ū enim superius diues iste splé-
nide epulatus fuisse dicitur, & nūc in lingua se cra-
ciari prohibet, ostenditur quia præ cæteris mēbris
in lingua arderet. In cōuijjs enim superflua & in-

Luc. 12.**2. Tim. 6**

anis loquacitas abundare solet: quoniam ubi uen-
ter diuersis cibis & potibus distentus fuerit, statim
lingua ad cachinnos, ioca, maledictiones, detracti-
ones & cetera his similia resoluitur, sicut scriptum
est: Sedit populus manducare & bibere, & surre- EKO. 32.
xerunt ludere. Et quia coniuicis in lingua pec-
cauerat, in tormentis in lingua ardebat. Q uoniā Sap. ir. 1
(sicut ait Salomon) Per quæ peccat quis, per hæc
& torquetur ¶ Sed forte queret aliquis, utrū ignis
gehennalis corporeus sit, an incorporeus. Ad quod
dicendum, quia sic corporeus esse creditur, ut ani-
mam incorpoream cruciare possit. Q uod autem
res corporea animam incorpoream cruciare possit,
mitum non est, cū uiuente quolibet homine spūs
in corpore tenetur. Nam apostatas angelos q̄s in-
corporeos spiritus esse dubitet: & tamen igne ge-
hennali sine intermissione cruciatur, sicut ueritas
reprobis dictura est. Ite maledicti in ignem æter- Mat. 25:
uum, qui paratus est diabolo & angelis eius. Non
est ergo dubium, animam incorpoream ante iudi-
cium ab igne corporali posse torqueri, cum hoc
in spiritibus immundis possibile demonstretur.
Iustum est enim, ut q̄m in anima simul & corpore
peccant, ante iudicium in anima, post iudicium
hero in anima & corpore crucientur.

Et dixit illi Abraam: Fili, recordare quia
recepisti bona in uita tua, & Lazarus similiter ma-
la] Cum superius Abraam patrem uocat, & nunc
cum Abraam filium eū nominat cognoscere pos-
sumus. ex eodem populo, qui ex stirpe Abraā ori-
ginem ducebat, illum fuisse. Sed summo pere illud
considerandum est, quia quem filium nominat, a
poena non liberat, quoniam in distinctione iusti iu-

S iii

dicij dei tanta & qualitas iustitie erit, ut nec filius patrem, nec pater filium liberare ualeat, sed unusquisque recipiet secundum opera sua, prout gessit, siue bonum siue malum: quia peccator in peccato suo morietur, & iustus in iustitia sua quam operatus est uiuet. Vnde per Iezechielem prophetam dñs cum terra gladio, peste & fame perituram praediceret, adiunxit, dicens: Viuo ego, dicit dñs, quia si Noe & Job & Daniel fuerint in medio eius, filios & filias

Iezech. 14.

non liberabunt, sed ipsi iustitia sua liberabunt animas suas. Absque obliuione autem memorie commendandum est, quod diuini uoce Abram dicitur: [Fili recordare quia receperisti bona in uita tua, & Lazarus similiter mala. Nunc autem hic consolatur, tu uero cruciaris.] In quibus uerbis intelligimus & diuitem aliquod bonum fecisse, pro quo in hac uita bona recepit & pauperem aliquod reprehensibile egisse, pro quo praesentis uitae flagellis purgatus est. Acquisitus enim iudex deus, sicut malum nullum impunitum dimittit, sic nullum bonum absque mercede relinquit, quia aut in praesenti aut in futuro retribuit. Quoties ergo aut prosperitas praesentis uitae nobis blanditur, aut diuitiae affluunt, timendum est ne de bono quod agimus mercedem in praesenti seculo recipiamus, ne forte in futuro nobis dicatur: Amen amen dico uobis receperistis mercedem uestram. Quotiescumque autem aut paupertas nos affligit, aut flagella nos atterunt, gaudendum est & gratulandum: quia flagella Dei aut ad remuneracionem nobis contingunt, aut ad probationem. Propter quod nos scriptura admonet, dicens: Fili ne despicias disciplinam domini dei tui, neque fati-

Matt. 6proue. 3

geris cum ab eo corriperis. Quem enim diligit dominus, corripit: flagellat autem filium quem recipit.

Heb. 12.

Et in his omnibus inter nos & uos chaos magnum firmatum est, ut hi qui uolunt hinc transire ad uos, non possint, nec inde huc transire arcet. [Chaos dicitur pactum uel firmatum sive consilio elementorum. Dicitur enim chaos uorago uel profundum. Sed in hoc loco dicimus quia infernus, ubi diues torquebatur, longe inferius erat, unde paulo superius dicitur: Eleuans autem oculos suos, uidit Abram a longe, cum esset in tormentis.] Ante aduentum enim domini animæ sanctorum, quia propter originale peccatum ianuam regni celestis ingredi non ualebant, in secretioribus locis absq[ue] pena erant, ad quorum comparationem infernus penalis longe inferius erat, unde Psalmista precatur. Eripuisti animam meam ab inferno inferiori. Chaos ergo magnum firmatum est: sive terminus in transmeabilis distinctione iusti iudicij dei, ut nec isti ad illos, nec illi ad istos transire possint. Quod autem illi qui in penalibus locis tenentur, ad sanctorum requiem transire uelint, nulli dubium est. Iusti autem in requie constituti, & si per mentis compassionem ad illos transire uolunt, tamen quia ab æquitate iusti iudicis discordare non possunt, nequaquam ad eos transire ualent. Sed infelix diues de salute sua desperatus, ad fratrum liberationem, quos in seculo reliquerat, sollicitudinem conuertit, cum ait:

Psal. 85.

Rogo ergo te pater, ut mittas eum in dominum patris mei. Habeo enim quinque fratres, ut testetur illis, ne & ipsi ueniant in hunc locum.

S. iiiij

tomentorum. ¶ Cui iusto iudicio dei ad cūmum suę damnationis, non solum cognitio, sed etiā memoria reservata est: ut nō solum pro se, sed etiā pro fratribus torqueretur, quos similiter perseverare meruebat. Neq; enim perfecta esset in dñe ultio pauperis, si Lazarū non cognouisset: neq; perfecta pena in tormentis, si fratru, quos in seculo reliquerat, non meminisset. Quo exemplo nos instruimur, quia animæ sanctorum in æterna beatitudine receptæ, p salutē charorū, quos inter seculi pericula reliquerunt, intercedere creduntur.

Eccles. 14.

Gaiuxta scripturæ autoritatē, q; sibi nequā est, nulli bonus erit, diuini p fratrib⁹ roganti respōdetur:

Habent Moysen & prophetas, audiāt illos. At ille dolore constrictus: [Non] inquit [Pater] Abraam, sed si quis ex mortuis ierit ad eos, pœnitentiā agent.] Et quia (ut ait Salomon) nec opus, nec ratio, nec scientia, neque prudentia est apud inferos, adhuc subditur:

Eccles. 9.

Si Moysen & prophetas nō audiunt, neq; si quis ex mortuis resurrexerit, credent] Q uia sententia luce clarijs patet, quia qui Moysen & prophetas audire contemperunt, Christum a mortuis resurgentem credere noluerunt: uel qui præcepsa ueteris testamenti cōtemnunt, utiq; ueritatem noui testamenti, quæ Christi resurrectionem prædicat, minime implere possunt. Sed quia hæc moraliter ad terrēdam diuinitum auaritiam, & pauperum inopiam consolandam diximus, hinc breuiter quid allegorice significant, uideamus Per diuitiem enim & pauperem duo præcepta populi significantur, Iudeorum & gentium. Per diuitiem

Iudeorum populus præfiguratur, qui non solum carnales diuitias, sed etiam spirituales per legis notitiam accepit, quibus magis ad nitorem, quam ad utilitatem usus est. Qui purpura induitus est in martyribus, byssō in virginibus: sive purpura in regia dignitate, byssō in gloria sacerdotali. Epulabatur quotidei splendide, in patrum eloqujs meditando. Per pauperem uero Lazarum, gentilis populus designatur, qui pauper extitit qnā a legis notitia & cognitione dei alienus fuit. Iacebat ad ianuam eius, quia intra ianuam scientiae legis ingredi non poterat. Hulceribus plenus, id est, diuersis peccatorum criminibus foedatus. Cupiens saturar ride mīcis, quæ cadebāt de mensa diuitis, & nemo illi dabant: quia ille superbus Iudeorum populus verba, quæ de legis scientia profluebant, gentibus dare nō lebant. Et dum præceptis legis magis ad elationem, quam ad charitatem & utilitatem usus est, quasi ex acceptis dapi bus tumuit. Mensa enim scripturam sanctam significat, sicut scriptum est: Psal. 22.

Parasti in conspectu meo mensam aduersus eos qui tribulant me. Mīcæ autem, quæ cadebant de mensa diuitis, uerba sunt, quæ de legis scientia (ut diximus) profluebant. Has cupiebat accipere iste pauper, gentilis scilicet populus, de quibus erat illa mulier Cananæa, quæ domino sibi dicēti. Non est bonum sumere panem filiorum, & mittere canibis, respondit dicens: Utique domine. nam & castelli edunt de mīcis, quæ cadunt de mensa dominorum suorum. Sed quem diues contemnit, deus non despicit. Quando enim excelsus deus humilis factus est homo, non solum ad Iudeorum populum, sed etiam ad gentium, prædicatores suos miti

S V

Matt. 15.

tere dignatus est. Vnde bene dicitur: [Sed & canes ueniebant, & lingebat hulcera eius.] Canes in scripturis, uarias habent significaciones. Aliquando populum Iudeorum significant, ut in Psalmo legitur: Circundederunt me canes multi. Aliquando falsos catholicos, sicut per sapientissimum Salomonem dicitur: Sicut canis qui renertitur ad uomitum suum, ita stultus qui iterat stulti: iā suam. Aliquando hereticos, sicut Apostolus ait: Vide canes, uidete malos operarios, uidete concisionē. Aliquando malos doctores, sicut per prophetam dicitur: Speculatorēs eius cæci omnes, nescierunt uniuersi, canes muti nō ualentē latrare, uidentes uana & amantes somnia, & iterum: Canes impudentissimi nescierunt saturitatem. Et Iohannes in Apocal. Fortis canes & uenefici, & impudici, &c. Apo. 22: minis q. amat & facit mendaciū. Sed in hoc loco bonos prædicatores significant, de quibus per Psalm. 67. mistam dicitur. Lingua canum tuorum ex inimicis ab ipso. Canis enim uulnus quod lingit, citius ad sanitatem perducit. Quid autem sunt uulnera nisi peccata? Sicut enim uulnus ab intercribus uisceribus foras in cute erumpit, sic peccata per confessionē pandenda sunt, ut ad sanitatem animæ possit peruenire possit. Igitur nihil aliud est peccatorū confessio, nisi quædā uulnerū ruptio. Et nos ergo confessendo peccata nihil aliud agimus, nisi qđ peccatum in mente latebat, aperimus. Quia ergo sancti prædicatores gentilē populu ad peccatorū confessiōne uocauerūt, quasi spiritales canes uulnera Lazarī lingendo curauerunt. Vñ bene idē Lazarus ad iutus interpretari: qđ illi ad salutē eum adiuerūt, qđ peccata sua eum confessari docuerunt. Et qđ gen-

tilest p fidem filij Abraæ effecti sunt, recte subiungitur. [Factum est autem ut moreretur mēdicus, & portaretur ab angelis in sinum Abraæ.] Pauper autem in sinum Abraæ portatur, quia per fidem gentilis populus ad societatem patriarcharū colligitur, domino dicente: Multi uenient ab oriente & occidente, & recumbent cum Abraam & Isa
ac & Iacob in regno calorum. At uero Iudaorū populus, qui credere noluit, propter perfidiam re
pellitur. Vnde bene dicitur: [Mortuus est autē &
diues, & sepultus est in inferno.] Recte in capite
huius lectionis primū posunt diuitē, deinde paupe
rem: nunc uero primum pauperē, deinde diuitē, ut
ostenderet quia Iudaic⁹ populus, qui fuerat in ca
pite superbiō & se exaltrando, factus est in cau
da: genitilis se humiliādo, q̄ erat nouissimus, factus
est prim⁹, q̄a (sic ut per sapientissimum Salomonē
dicitur) subib⁹ sequit ignominia, & humilē spiri
tu gloria. Vñ & dñs in euangelio ait. Cūnq̄ se ex
alat, humiliabitur. Et iterū: Erūt primi nouissimi, & 18.
& nouissimi primi. Qui Abraā alōge cōspicit, q̄a
ci p imitationē (ut dicitur est), pximus fieri noluit.
Qui plus in lingua se cruciari perhibet, q̄a uerba
legis, q̄ in ore temuit, opere implere cōtemplit. Re
cte etiā in lingua magis ardere dicitur, quia Iudæi
acuerunt linguas suas sicut serpentes, qñ cōtra au
torē uitæ dixerunt: Crucifige crucifige eñ Nō ha
bem⁹ regē nisi Cesare. Qui ab extremo digito La
zari se refrigerari precatur, q̄a illi q̄ in æterno sup
plicio sunt dānati, minimis sanctorū epibus, si fie
ri posset, optaret esse participes. Quod quia post
mortē fieri non potest, recte diuiti uoce Abraæ di
citur: [Memento filii quia recepisti bona in uita

Mat. 8.

Pro. 29.

Luc. 14.

18.

Mat. 20:

Ioh. 19.

284 DOMINICA II.

tua, & Lazarus similiter mala. Nunc autē hic cōsō
latur, tu uero cruciaris. Quinqꝫ autē fratres di
uis se habere testabatur, quia populus Iudaicus v.
libros Moysi accepit. Vnde recte per Abraam dī
citur: [Habent Moyse & prophetas,] Vel quia
eiusdē pars populi, qui adhuc in præsentii uita iub
sistit, in s. sensibus corporis constat, quos sensus q
ad spiritualem intellectum flectere nolūt, recte de
eorum contumacia subinfertur: [Si Moyse &
prophetas non audiunt, neqꝫ si quis ex mortuis resur
rexerit credent.] Ideo enim in Christum, qui ex
mortuis resurrexit, non credunt, quia Moyse &
prophetarum dicta spiritualiter non intelligunt.
Vñ saluator ait in euangelio: Si crederitis Moyse,
crederetis forsitan mihi. De me em̄ ille scriptit.

DOMINICA III. POST PENTECOSTEN. I. Iohann. III.

Nolite mirari si odit uos mundus. Et relip.

Mundum, dilectores mūdi dicit. Nec miran
dum qā qāmāt mundum, fratrē a mun
di amore separatum, & cælestib⁹ tātum
desiderijs intentū, amare non possint. Abomina
to est em̄ peccatori religio, ut scriptura testatur.

Nos scimus quia transiūsumus de morte
ad uitam, quoniam diligimus fratres. q. Nemo te
de uirtutibus falso extollat, nemo suarum virium
pauperiat em ultra modum metuat. Apertum dat
indictum, E quoniam diligimus fratres. quia qui
cunque fraterna dilectione plenus est, ad salutem
electorum pertinet, quia portionem habere in ser
uauientium meruit.

Qui non diligit, manet in morte.